



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ազգային տոների, ծեսերի կազմակերպման առանձնահատկությունները կրթական գործընթացում.

Դաստիարակ՝ Մերի Մկրտչյան

Մանկապարտեզ՝ ՀՀ Սյունիքի մարզ, << Գորիսի թիվ 3 ՆՈՒՀ>>  
ՀՈԱԿ

2023թ.

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	3
ՀԵՏԱԶՈՏՈՒԹՅԱՆ ՆՊԱՏԱԿ	4
ԳԼՈՒԽ 1. ԱԶԳԱՅԻՆ ՏՈՆԵՐ ԵՎ ԾԵՍԵՐԸ	5
ԳԼՈՒԽ 2. ՏՈՆԵՐԻ ԵՎ ԾԵՍԵՐԻ ԿԱԶՄԱԿԵՐՊՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ	9
2.1 ՆՈՐ ՏԱՐԻ ԿԱՄ ԱՄԱՆՈՐ	10
2.2 ԾՆՈՒՆԴ ԵՎ ՋՐՕՐՀՆԵՔ	12
2.3 ԿԵՆԴԱՆԻ ԾԱՂԻԿՆԵՐ	13
2.4 ՏՐՆԴԵԶ ԿԱՄ ՏԵԱՐՆ ԸՆԴԱՌԱԶ	14
2.5 ԲԱՐԵԿԵՆԴԱՆ	15
2.6 ԾԱՂԿԱԶԱՐԴ	15
2.7 ԶԱՏԻԿ	16
2.8 ՀԱՄԲԱՐՁՈՒՄ	16
2.9 ՎԱՐԴԱՎԱՌ	18
ՊԱՐԱՊՄՈՒՆՔԻ ՊԼԱՆԱՎՈՐՈՒՄ	19
ՆԿԱՐՆԵՐ	22
ԴԻՏԱՐԿՈՒՄ	23
ԵԶՐԱԿԱՑՈՒԹՅՈՒՆ	25
ԳՐԱԿԱՆՈՒԹՅԱՆ ՑԱՆԿ	26

## ՆԵՐԱԾՈՒԹՅՈՒՆ

Մեր երկրի մտավոր ներուժի սաղմերն այսօրվա երեխաներն են՝ վաղվա պետության կերտողները: Յուրաքանչյուր երեխա հետաքրքրասեր և անհագ է իրեն շրջապատող աշխարհի իմացությամբ: Որպեսզի երեխայի հետաքրքրությունը բավարարվի, և նա մեծանա, բոլորս շահագրգռված ենք մշտական մտավոր և ինտելեկտուալ զարգացմամբ:

Նախադպրոցական կրթության ոլորտում, ինչպես երեխաների զարգացման բոլոր ուղղություններով, այնպես էլ ազգային դաստիարակության առումով բարեփոխումները ոչ միայն անհրաժեշտ են, այլև անխուսափելի: Այս տեսանկյունից հայ ժողովրդական բանահյուսության տարբեր ժանրերը, որոնք հարազատ են հայ ազգային հոգեբանությանը, առավել արդյունավետ կերպով կարող են ներգործել նախադպրոցականների հուղաշխարհի վրա: Մանկապարտեզում դրանց հմտալից կիրառումը կօժանդակի կրթադաստիարակչական գործընթացի արդյունավետության բարձրացմանը: Ըստ Հ. Խաչատրյանի յուրաքանչյուր տոն տվյալ ժողովրդի կենսագրության մի էջն է, պատմության մասնիկը, խառնվածքի ինքնուրույն դրսևորումը: Վաղընջական տոները բանավոր ամենամեծ ստեղծագործություններն են, որ փոխանցվում են սերնդեսերունդ, դարից դար:

Մշակույթը չէր պահպանվի և սերնդեսերունդ չէր փոխանցվի, եթե գոյություն չունենային դրան նպաստող որոշակի միջոցներն ու հանգամանքները: Դրանցից կարող ենք առանձնացնել պատմության ընթացքում ձևավորված տոներն ու ծեսերը: Ծեսը ավանդական կամ սահմանված կանոններով կատարվող կրոնական արարողություն է, որին հավատացյալները վերագրում են մոգական և խորհրդավոր հատկություններ: Ծեսը լայն տարածում ունի հավատալիքներում, կրոնում, կենցաղում, մարդկային հարաբերություններում և այլուր: Ա. Սարգսյան Ծեսը խորհրդանշական ձևերով վերարտադրում է նաև ժողովրդի անցյալի կարևոր փուլում կատարված իրադարձությունները և դրանց միջոցով ապահովում ազգի, հասարակության միասնականությունն ու հարատևությունը:

## ՀԵՏԱԶՈՏՈՒԹՅԱՆ ՆՊԱՏԱԿ

Թեման ընտրելիս հաշվի եմ առել թեմայի արդիականությունը, սերունդների դաստիարակության գործում դրանց կիրառումը: Հետազոտության նպատակն է ուսումնասիրել ազգային տոներն ու ծեսերը, դրանց կազմակերպման առանձնահատկությունները կրթական գործընթացում: Յուրաքանչյուր ոք, կրթական միջավայրում կրթելու և դաստիարակելու հայրենիքին արժանի , ազգային և ավանդական արժեքները բարձր պահող անհատը, երեխայի մեջ պետք է սերմանել սեր հայրենիքի և ազգի նկատմամբ: Մեր երկրում երեխաների մեջ ազգային արժեքների ձևավորումը ներառված է Հայաստանի Հանրապետության պետական չափորոշում և որպես բովանդակային բաղադրիչ, հաշվի առնելով երեխաների կարողունակությունները, պետք է ունենալ համապատասխան վերջնարդյունքներ:

Երեխաները ծեսի կազմակերպման ընթացքում շփվում և հաղորդակցվում են, նրանք յուրովի նախագծում են իրենց անելիքը, քննարկում ընկերների հետ: Երեխաները պատմում են իրենց իմացածը և դրան ավելացնում նորը: Այս ամենը բնականաբար, խոսքի զարգացման հատուկ պարապմունքներից ոչ պակաս նպաստում է երեխայի խոսքային կարողությունների զարգացմանը:

Հետազոտական աշխատանքի արդյունքն այն էր, որ նախադպրոցական տարիքի երեխան ծիսական, բնական, անկաշկանդ միջավայրում կիրառում է իր գիտելիքները, հմտանում և զարգանում է երևակայությունը: Երեխան կարողանում է ազատ արտահայտել իր միտքը, կողմնորշվել և կատարել համապատասխան գործողություններ՝ ներկայացնելով իր երևակայությամբ ստեղծած միտքը: Կարևոր է որ մանկապարտեզից երեխան իր հետ կյանք տանի բարություն, գեղեցկություն, ուրախություն և սիրո առաջին սերմերը:

## ԳԼՈՒԽ 1. ԱԶԳԱՅԻՆ ԾԵՍԵՐՆ ՈՒ ՏՈՆԵՐԸ

Քրիստոնեական տաղավար տոներից մեկը՝ Զատիկը, մանկապարտեզում վերածվում է մի շքեղ հանդիսության: Այն իսկական հայեցի դաստիարակության հրաշալի օրինակ է: Կարևոր է, որ տոնակատարության կազմակերպիչները պահպանեն ծիսակարգը և երեխաներին ընկալելի դարձնեն դրա բովանդակությունն ու աստվածային խորհուրդը: Զատիկը հեթանոսական տոն լինելով՝ հիմնականում բնորոշում է բնության զարթոնքը և բեղմնավորումը: Նոր կյանքի սկիզբը խորհրդանշող ձուն, ինչպես և կենաց ծառը հին հայերը վերագրում էին մեռնող և հարություն առնող բնության աստծու՝ Արային: Հետագայում այս տոնը քրիստոնեական օրացույցում արժեքավորվոց և կապվեց Հիսուս Քրիստոսի հարության հետ: Այս տոնակատարությունն իր մեջ ամփոփում է հայկական գեղեցիկ սովորույթներ, անգամ՝ զուտ հայկական ուտեստների պատրաստման և հյուրասիրման տարրեր: Վերջնական տոնը՝ բուն Զատիկը, կատարվում է շաբաթվա վերջում՝ կիրակի օրը: Նախընտրելի է մանկապարտեզ հրավիրել նաև ավագ տատիկներին, իսկ եթե ավագները բացակայում են, ապա նրանց փոխարինում են երիտասարդները: Այդ միջոցառումը մեծ խորհուրդ է պարունակում: Սովորաբար մանկապարտեզի հանդեսներին մասնակցում են մայրիկներն ու հայրիկները, և ստվերում են մնում հատկապես մեծ տատիկները: Կարևոր է, որ երեխան փոքրուց մեծարի, օգնի, հարկ եղած դեպքում խնամի ընտանիքի ամենաավագներին: Այս միջոցառումը, ինչպես նաև Համբարձումը և Վարդավառը սրտամոտ են երեխաներին: Դրանք հայեցի դաստիարակության և կրթության, գեղագիտական, բարոյական, ինչու չէ, նաև պատմական՝ անցյալը իմանալու, գնահատելու և սովորելու տեսակետից հրաշալի դասեր են: Հարստացնում են մանկական մաքուր ու ջինջ հոգեաշխարհը:

Ծեսերի և ազգային տոների շնորհիվ պահպանվել և դարեդար են փոխանցվել ազգային կյանքի բոլոր էական կողմերը, արտացոլել էթնոսին բնորոշ առանձնահատկությունները: Եթե մշակույթի ժառանգորդման առաջին ձևը համարենք ծեսը, ապա երկրորդը ծիսակարգն է: Ըստ Ա.Սարգսյանի <<Ծիսակարգը

խիստ կանոնակարգված է, միակերպ և հիմնականում կապվում է կրոնական պատկերացումների հետ, ունի զանգվածային բնույթ, այսինքն՝ դրան մասնակցում են մարդկանց մեծ խմբեր»>:

Ծեսերին նոր կյանք տալու համար հարկավոր է նախ շատ լավ յուրացնել ավանդականը, ճանաչել այն միջավայրը, որտեղ ստեղծվել են դրանք: Լավ իմանալ երգերն ու պարերը, ծիսական գործողությունները, պարագաները, դրանց խորհուրդն ու պատրաստման տեխնոլոգիան: Պետք է կարողանալ ծեսը, տոնը դարձնել երեխայինը, որն էլ կլինի ոչ միայն մասնակից, այլև փոխանցող: Երեխան քայլ առ քայլ անկաշկանդ միջավայրում, ամենօրյա արդյունավետ գործունեությամբ, լիիրավ մասնակցությամբ, կարողություններ և հմտություններ ձեռք բերելով ու փոխանցելով յուրացնում է ծեսը:

Ծեսերը աչքի են ընկնում իրենց պատմական և ճանաչողական արժեքներով: Դրանք ստեղծվում են ոչ թե պատահական դեպքերի շուրջ, այլ ժողովրդի համար կենսական նշանակություն ունեցող իրադարձությունների կապակցությամբ: Ծեսերի շնորհիվ պահպանվել և սերնդե-սերունդ են փոխանցվել ազգային կյանքի բոլոր էական կողմերը ու ազգային առանձնահատկությունները: Ծեսը ներառում է վարքի այն ձևերը, որոնք իրենց էությամբ նշանային են, խորհրդանշական: «Ծես» հասկացության տակ սովորաբար ենթադրվում է ստանդարտ, հաստատուն գործունեության հետևողականությունը, որն ունի արարողական բնույթ: Ծեսը լայն տարածում ունի հավատալիքներում, կրոնում, կենցաղում: Ծեսը խորհրդանշական ձևերով վերարտադրում է նաև ժողովրդի անցյալի կարևոր փուլում կատարված իրադարձությունները և դրանց միջոցով ապահովում ազգի, հասարակության միասնականությունը: Ծեսերն աչքի են ընկնում իրենց պատմական և ճանաչողական արժեքներով: Եթե մշակույթի ժառանգորդման առաջին ձևը համարենք ծեսը, ապա երկրորդը ծիսակարգն է: Այն ներառում է ավանդական գործողություններ, որոնք ուղեկցում են մարդուն կյանքի և գործունեության կարևոր պահերին: Նախադպրոցական տարիքի երեխաների ներդաշնակ հոգևոր զարգացման կարևոր խնդիրներից մեկը ազգային մշակույթի յուրացումն է՝ ծեսեր, տոներ, որտեղ նրանք դառնում են այս ամենը կրող և ակտիվ փոխանցող: Ազգային ծեսը մշակույթի այն տարրն է, որը առավել պահպանողական է ազգային արժեքների պահպանման գործում: Ազգային ծեսերը այն միջավայրն է, որը

մանկան ընդհանուր զարգացման համար ստեղծում է պարարտ հող: Այն ծեսերը և տոները, որ հայ ժողովուրդը նշում էր դեռևս 100 տարի առաջ, շատ քիչ են պահպանվել մեր կենցաղում: Հայաստանի Հանրապետության առանձին մարզերում շարունակում են նշել Վարդավառը, որոշ տեղերում, մասամբ նշում են Համբարձումը, իսկ Ջատկի, Տյառնընդառաջի, Սուրբ Խաչի որոշ ծեսեր պահպանվել են համարյա ամենուր:

Կրթական համակարգի հենց առաջին օղակից՝ մանկապարտեզից է սկսվում մանկան աշխարհճանաչմանն ուղղված տարրական գիտելիքների յուրացումը: Հիմնականում այստեղ է ձևավորվում նրա վերաբերմունքը աշխարհի, մարդկանց, շրջապատի նկատմամբ: Այստեղ է, որ նրա մեջ սերմանվելու են մարդուն այսօր այնքան անհրաժեշտ բարության առաջին հատիկները: Հայ երեխայի բարության ու առաքինության առաջին սերմնացանը քրիստոնեական տարրական գիտելիքների ուսուցումն է: Հայ երեխային անհրաժեշտ է հայեցի կրթություն ու դաստիարակություն և մենք՝ մանկավարժներս պարտավոր ենք ըստ արժանվույն կատարել մեզ վստահված գործը, այսինքն հայ մանուկներին դաստիարակել հայեցի և քրիստոնեաբար: Մշակույթը չէր պահպանվի, եթե գոյություն չունենային սերնդեսերունդ նրա փոխանցման միջոցները: Մշակույթի փոխանցման ձևերի մեջ կարևոր դեր ունեն ծեսերը և ազգային տոները: Մենք հայերս մեր հիշողության, մեր պատմության տերն ենք ու ժառանգորդը՝ Հայկ Նահապետից մինչև հավերժություն: Մենք պետք է ուժ առնենք մեր ազգային արժեքներից՝ նրանցից վերցնենք լավագույնը, ազգային մտածողության շարժառիթներն ու ուղենիշները: Երեխաների աշխարհընկալման, գեղագիտական ճաշակի ձևավորման համար առանձնահատուկ նշանակություն ունեն ազգային տոները, ընտանեկան հանդիսությունները, տաղավար տոներին նվիրված հետաքրքիր միջոցառումները: Երեխաների գեղագիտական և քրիստոնեական դաստիարակության գործում անգնահատելի նշանակություն ունեն ընտանեկան, ժողովրդական, ազգային հանդիսությունների մանկականացված միջոցառումները: Դրանք հոգեհարազատ են երեխաներին, քանի որ այս դեպքում նրանք դառնում են մասնակից և կատարող: Ազգային արժեք են նաև ծեսերը: Մշակույթը չէր պահպանվի և սերնդեսերունդ չէր փոխանցվի, եթե գոյություն չունենային դրան նպաստող որոշակի միջոցներ, որոնցից կարող ենք

առանձնացնել պատմության ընթացքում ձևավորված ծեսերը: Ծեսն իրենից ներկայացնում է ավանդական կրոնական արարողություն, որին հավատացյալները վերագրում են մոգական հատկություններ: Ծեսը լայն տարածում ունի կրոնում, կենցաղում: Այն խորհրդանշական ձևերով վերարտադրում է ժողովրդի անցյալի կարևոր փուլում կատարված իրադարձությունները և դրանց միջոցով ապահովում է ազգի, ժողովրդի միասնականությունը: Հայոց եկեղեցում ծեսերը հաստատել, սահմանել և կարգավորել են կաթողիկոսները՝ համաձայն Աստվածաշնչյան մեկնությունների: Այս գործում մեծ ներդրում են ունեցել Գրիգոր Լուսավորիչ և Ներսես Մեծ կաթողիկոսները: Հայոց ազգային տոներն ու ծեսերը տարբեր ժամանակներում տարբեր դրսևորումներ են ունեցել: Սակայն այդ տոների արմատներն այնքան խորն են եղել ժողովրդի ինքնագիտակցության մեջ, որ ժամանակի կրոնական փոփոխությունները նույնպես չեն կարողացել ազդել դրանց վրա: Հայկական մշակույթը հնուց ի վեր մինչ օրս էլ աչքի է ընկնում իր բազմաթիվ ու յուրօրինակ ազգային տոներով: Մենք բոլորս այս տոները նշում ենք, որպես քրիստոնեական և եկեղեցական տոներ, սակայն այս տոների մեծ մասը գալիս է դեռևս նախաքրիստոնեական ժամանակներից: Ժողովրդի մեջ տոները նշելու ձգտումը շատ մեծ է, և տոնը ոչ թե հայտարարված տոնական օրն է, այլ՝ այդ օրվա բովանդակությանը և ժողովրդի մշակութային նորմերին համապատասխան տոնա ծիսական արարողակարգը: Հայ ազգային տոներն ունեն ծիսական արարողակարգ: Այդ տոներից են Նոր տարին, Սուրբ ծնունդը, Տեառնընդառաջը, Բարեկենդանը, Ծաղկազարդը, Համբարձումը, Վարդավառը: Մարդիկ այնքան էին հավատում ծեսերի զորությանը, որ հնարել էին անձրևաբեր և անձրևախափան ծեսերը՝ որպեսզի կարողանային ծեսերի միջոցով կարգավորել բնության երևույթները:

<https://www.armgeo.am/ancient-armenian-holidays/>



## ԳԼՈՒԽ 2. ՏՈՆԵՐԻ ԵՎ ԾԵՍԵՐԻ ԿԱԶՄԱԿԵՐՊՄԱՆ

### ԱՌԱՆՁՆԱՀԱՏԿՈՒԹՅՈՒՆՆԵՐԸ

Յուրաքանչյուր տոն տվյալ ժողովրդի կենսագրության մի էջն է, պատմության մասնիկը, խառնվածքի ինքնուրույն դրսևորումը: Վաղնջական տոները բանավոր ամենամեծ ստեղծագործություններն են, որ փոխանցվում են սերնդեսերունդ, դարից դար:

Աշխարհի բոլոր ժողովուրդների նման հայերը ևս ունեցել են տոներ, ծեսեր: Տոնը ազատ, հանդիսավոր օր էր նվիրված որևէ եղելության, գաղափարի, նպատակի: Այն արտահայտում է մեր ժողովրդի հավատը, սովորությունները, որոնց ականատես է փոքրիկը:

Ժամերգությունները, ծեսերը ուղեկցվել են <<Հայր մեր>> աղոթքով, ծանոթ նաև մանուկներին ու պատանիներին: <<Հայր մեր>> աղոթքը կոչվել է նաև <<Տերունական աղոթք>>, որովհետև ըստ Ավետարանի այն իր աշակերտներին սովորեցրել է Քրիստոսը: Քրիստոսը, որի հետ կապվում է մեր թվարկությունը, համաձայն եկեղեցու պատմության, ծնվել էր Հրեաստանի Բեթղեհեմ քաղաքում, աշխարհի փրկիչ դառնալու համար: Այս է վկայում և անունը Հիսուս փրկիչ, Քրիստոս՝ Օծյալ Տեր: Մարդիկ հավատացել են ու նրա պատմության հետ կապված ստեղծել են նշանավոր օրեր, ծեսեր, ժամերգություններ, որտեղ կատարվել է տերունական աղոթքը: Ապա այն վերածվելով երգի՝ կրկնվել է թե՛ եկեղեցում, թե՛ նրանից դուրս՝ ծողովրդական ծեսերին և հավաքներին: Այսօր էլ <<Աղոթք երեխաներին>> և <<Հայր մեր>> աղոթքներին հարմար է, որ իրազեկ լինեն նաև ավագ նախադպրոցականները:

Բացի աղոթքներից, փոքրերը ականատես, երբեմն էլ մասնակից են դարձել ժողովրդական տոների կազմակերպմանը, հաղորդակցվել և հաղորդակցվելու են հայ ժողովրդի հոգևոր ժառանգության առավել նշանակալից երևույթներին, ուստի կարևորվում է այդ տոների ծանոթությունն ու այդ առիթով ստեղծված ժողովրդական ստեղծագործությունների օգտագործումը հանդեսներում, որպես երգ, արտասանություն, խաղ, արարողություն:

Հայերի նախնիներից մնացած տոներից են Նավասարդը, Տեարն ընդառաջ կամ Տրնդեզ, Սուրբ Սարգիս, Բարեկենդան, Ծաղկազարդ, Չատիկ, Վարդավառ և այլն: Տոները հետևում են իրար որոշ կարգով և կապ ունեն բնության և տարվա եղանակների հետ:

Հայոց տոներից առաջինը Նոր տարին է:

## **2.1 Նոր տարի կամ Ամանոր**

Ըստ մեզ հասած տվյալների, հայերն ունեցել են երեք նոր տարի, որոնք կոչվել են Ամանոր, Նավասարդ կամ Կաղանդ: Թեև այժմ նոր տարին տոնում են հունվարի 1-ին, բայց հնագույն ժամանակներում մեր նախնիները նոր տարին դիմավորել են մարտի 21-ին, գարնանային գիշերահավասարի օրը: Այդ օրը հայ մարդը նշել է ցնծալի տոնախմբությամբ՝ փառաբանելով բնության զարթոնքը, հողագործի աշխատանքը, որպեսզի բերքառատ լինի տարին: Հայկական երկրորդ տարեգլուխը եղել է Նավասարդի մեկը (օգոստոսի տասնմեկը): Ըստ ավանդության Հայկ Աղեղնավորը Հայոց Ձոր գավառում սպանել է բռնակալ Բելին և ազատություն պարգևել իր տոհմին ու իր բոլոր հետնորդներին: Այդ հաղթությունը ենթադրաբար տեղի է ունեցել մեր թվարկությունից առաջ օգոստոսի տասնմեկին: Այդ ժամանակներից հայերը նոր տարին սկսել են տոնել օգոստոսի տասնմեկին:

Օգոստոսյան տոնը հայերը կոչել են Նավասարդ, որը նշանակում է նոր տարի (Նավ- նոր, ա-հողակապ, սարդ-տարի): Նավասարդի ամենամեծ հանդիսությունը տեղի է ունենում Արածանի գետի ափերին, Նպատ լեռան փեշերին: Տոնախմբությանը ներկա էին լինում երկրի թագավորն ու թագուհին, նշանավոր արքունականները, զորապետները, նաև հայակական բանակը: Հետագայում Հայաստանի տարբեր վայրերում ու գաղթավայրերում հունվարի մեկը ընդունվեց իբրև նոր տարվա սկիզբ, որպես շատ ժողովուրդների համընդհանուր տոն: Նոր տարին սկսվում է դեկտեմբերի 31-ին գիշերվա ժամը 12-ից հետո: Այդ ժամին ցնծություն էր ամենուր, ուրախ էին մանավանդ երեխաները: Նրանք այդ ժամին աղմուկ – աղաղակով, երբեմն էլ իրենց պատրաստած փայտե զնգաններով զարկում էին, «փախցնում» հին տարին և ցնծությամբ դիմավորում նորը, շնորհավորում: Նրանք առանձնապես ուրախ սպասում էին, երբ նանը կամ մայրիկը բացում էր

քաղցրավենիքով և համեղ ուտելիքներով լի սեղանը: Հնում նոր տարվա սննդատեսակների մեջ առաջինը եղել է հայկական կլորահատիկ ցորենը, որն աճել է միայն Հայաստանում: Եվ նոր տարվա սեղանին մեր նախնիները դրել են այդ ցորենից պատրաստված հաց, որպեսզի բարեբեր դարձնեն նոր տարին: Երևի այդ հեռավոր ժամանակների հավատալիքի արդյունքն է հայկական ժողովրդական հին առածներից մեկը. «Նոր տարին հաց չեն փոխ առնում»»: Ժամանակին այդ բառերը ընկալել են այսպես. «Առանց գինու նոր աստը կգա, առանց նգածաղիկի՝ կուշանա»»: Հնում նգածաղիկը, որը աճում է Մասիսի լանջերին ամենահոշակված հայկական համեմունքն էր: Ախորժաբեր այդ ծաղիկը քաղում, չորացնում և օգտագործում էին նշանակալից օրերին, չէ որ ժողովրդի համոզմամբ նգածաղիկը բոլոր հայերին կապում էր Մասիսի հետ՝ հայ Միջնաշխարհի, կամ՝ հայրենիքի սրտի հետ: Մեր հնամենի նավասարդյան տոնին աշխատում ենք պահպանել բոլոր այն սննդատեսակներն ու ըմպելիքները, որոնք օգտագործել են մեր նախնիները ազգային նոր տարին նշելիս: Իսկ որպեսզի հարմարացնեն Նոր տարի, Նավասարդ անվանը, նրանք հունվարի մեկի սեղանը զարդարում էին Ն սկզբնատառով սկսվող ուտելիքներով՝ Նգածաղիկ, նուշ, նուռ և այլն: Տարեմուտի գիշերը և հաջորդ օրը տարածված էր նաև երեխաների տնե տուն շրջելը, երզն ու պարը, շնորհավորանքն ու օրհնանքը, որի համար նրանք ստանում էին գաթա, կարկանդակ և այլ քաղցրավենիք: Նոր տարվա հետ կապված տոնաձառը, որի ավանդությունը ներկայացրել է Հայկ Խաչատրյանը:

Մեր ջրհեղեղից հետո առաջին ձյունը Մասիսի վրա նստել է Հայկ Նահապետի հայր Թորգոմի ժամանակ: Դա եղել է մեզանից չորսուկես հազար տարի առաջ: Մինչ այդ ծառերն ու ծաղիկները ցրտից չէին վախենում, և Հայոց աշխարհը նման էր մշտադալար գմբուխտ բուրաստանի: Այդ ժամանակներում հեթանոս հայերը նոր տարին տոնում էին գարնանամուտին: Մի անգամ հենց նոր տարվա նախօրեին, արտասովոր ցրտեր իջան Մասիսի կատարից և խուժեցին դաշտերն ու հովիտները: Ծառերն սկսեցին ցրտահարվել: Թորգոմը հող ու արմատով պոկեց տան բակի փոքրի ծիրանենին և տում տարավ:

Իրենց Նահապետի օրինակին հետևեցին մյուս թորգոմագունները: Մեկն իր բակի դեղձենին էր ներս տանում, մյուսը՝ բալենին, երրորդը՝ բարդու փոքրիկ ուստը, չորրորդը՝ եղևնին: Եվ նոր տարվա շեմին բոլոր Թորգոմագունների տներում էլ ծառեր կային: Հնչեց Նոր տարվա գալուստն ազդարարող ծնծղան, և սկսեցին տոնական ուրախությունները:

Մարդիկ չմոռացան տան կանաչ հյուրին: Պարում էին նրա շուրջը, զարդարանքներ ու նվերներ նետում նրա ճյուղերին: Ծառն ասես զարդարում, շքեղաշուք էր դարձնում տարեմուտը: Նոր տարուց հետո, երբ տաքերն ընկան, մարդիկ տներից հանեցին ծառերը և նորից տնկեցին պարտեզներում ու այգիներում: Հաջորդ տարվա նախօրեին, չնայած ցրտեր չեղան, մարդիկ այգիներից դարձյալ ծառեր տարան տուն և նախորդ տարվա պես ուրախություններ սարքեցին նրա շուրջ: Այնուհետև հայկական ընտանիքներում բոլոր նոր տարիների գալուստը նշանավորվում էր կանաչ ծառի կամ ոստի ներկայությամբ: Այդ ծառը դսից տուն մտավ և դարձավ տոնածառ: Նոր տարվա տոնը հաջող է պատկերել հայ նշանավոր բանաստեղծ Ռ. Պատկանյանը՝ ներշնչելով մարդասիրություն:

## 2.2 ԾՆՈՒՆԴ ԵՎ ՋՐՕՐՀՆԵՔ

<<Հասկեր>> ամսագրից

Այս տոնը նվիրված է Քրիստոսի ծննդյան հայտնությանը, մկրտությանը:

Դեռ հնագույն ժամանակներում երկրագործությամբ զբաղվող մեր ժողովուրդ ուներ բնության զարթոնքի պաշտամունքի տոն: Հետագայում եկեղեցին այդ տոնը վերափոխեց Ծննդյան տոնի և հունվարի 6-ը սահմանվեց իբրև Քրիստոսի հայտնության և մկրտության տոն: Ծննդյան տոնի նախապատրաստումը սկսվում է հունվարի 5-ին: Այդ օրվա երեկոյան և հունվարի 6-ի առավոտյան կատարվում է Հիսուսի մկրտության հիշատակը: Սրան ուղեկցվում էր ջուր օրհնելու ծեսը եկեղեցում, որը կապված էր ջրի պաշտամունքի հետ: Պատարագիչ քահանան ավագանի ջրում կաթեցնում էր արծաթյա աղավնուց մեռոն և ժողովուրդն այդ

օրհնված ջրից աշխատում էր ստանալ բաժին՝ սրվակով տուն տանելու, երբեմն էլ որպես դեղ օգտագործելու համար:

Ծննդյան տոնի առթիվ տանը ընթրիք է տրվում ու մսի փոխարեն օգտագործում էին ձուկ, և փլավ: Հին սովորությամբ երեխաները այդ երեկո շրջում էին տնից տուն, երգում «Խորհուրդ մեծ» և «Այսօր տոն է», «Ծննդյան ավետիս» և նվերներ ստանում:

Մրա հետ կապվում է մի ավանդություն՝ «Կենդանի ծաղիկներ», որտեղ բացահայտում է մանուկ Հիսուս Քրիստոսի կերպարն ու թիթեռնիկների առաջացումը:

### 2.3 ԿԵՆԴԱՆԻ ԾԱՂԻԿՆԵՐ

Քրիստոսը վեց տարեկան հասակում մի փոքրիկ պարտեզ շինեց իրենց բակում: Պարտեզը թեև փոքր էր, բայց այնքան գեղեցիկ էր և այնպես լավ էր զարդարված, որ ամենքը հիացմունքով էին նայում: Այստեղ ծաղկում էին հրաշալի սպիտակ շուշաններ, նարգիզներ, ամենաթարմ վարդեր և նրանց հետ միասին դաշտային ամեն տեսակ գույնզգույն ծաղիկներ: Մանուկ Հիսուսն ինքն էր մշակում պարտեզը: Նա ամեն օր ջրում էր և իր աչքի լույսի պես պահպանում ամեն մի բույս, ամեն մի տերևիկ: Նա սիրում էր նստել իր պարտեզում և ծաղիկներով շրջապատված շնչել նրանց անուշ բուրմունքը:

Երբեմն նա դուրս էր գալիս փողոցը և կանչում իր հասակակից աղքատ երեխաներին: Երեխաները խաղում, ուրախանում էին այն գեղեցիկ պարտեզում, հիանում էին հրաշալի ծաղիկներով, հոտ քաշում և սիրով համբուրում էին ծաղիկների անուշահոտ պսակները: Այս փոքրիկ քաղաքի բոլոր բնակիչները գիտեին Հիսուսի պարտեզի մասին, շատերը գալիս էին և հիանում ծաղիկների գեղեցկությունով, որովհետև այդպիսի հրաշալի ծաղիկներ դեռ ոչ ոք չէր տեսել: Մի անգամ երեխաները խաղում, աղմկում էին մանուկ Հիսուսի պարտեզում, հանկարծ նրանցից կովարար տղան ասաց. —Պարտեզդ լավն է, Հիսուս, բայց որ ուզենամ, նրանից էլ լավը կշինեմ: Այստեղից կհանեմ ծաղիկները, կտանեմ իմ պարտեզում կտնկեմ և այսպիսի պարտեզ

կունենամ:

Մանուկ Հիսուսի աչքերը արտասուքով լցվեցին:

—Ոչ, ձեռք չտաս դրանց,- ասաց նա,- դրանք այնքան քնքուշ են, որ եթե հողից հանես, իսկույն կթառամեն, կոչնչանան... Եվ միևնույն չէ՞ թե ումն է այս պարտեզը, իմը թե՞ քոնը, չէ որ միշտ էլ կարող ես գալ այստեղ և զբոսնել որչափ սիրտդ ուզի: Մակայն այն կովարար տղան այնքան անգույթ գտնվեց, որ վրա ընկավ ծաղիկներին, պոկոտում էր նրանց, անողորմ տրորում էր ոտքերի տակ և ասում.

—Ես որ չունեմ, թող որ ոչ ոք չունենա:

—Ա՛խ, հարկավոր չէ, մի անի,- բղավեց Հիսուսը, - չէ՞ որ նրանք կենդանի են, նրանք էլ են ցավ զգում:

Եվ նա շտապ հավաքեց պոկոտած ծաղիկները, համբուրում էր նրանց ու շնջում.

—Թո՛ւ՛ք, թո՛ւ՛ք այստեղից հեռու, ազատվեցե՛ք..

Եվ օ՛հ, հրաշք... կարմիր, դեղին, կապույտ ծաղիկները նախ թույլ շարժեցին իրենց թերթիկները, ապա թափահարեցին նրանց և մեկ էլ հանկարծ բարձրացան օդի մեջ և Հիսուսի շուրջը սկսեցին թռչել գույնզգույն սիրուն թիթեռնիկները:

## 2.4 ՏՐՆԴԵՋ ԿԱՄ ՏԵԱՐՆ ԸՆԴԱՌԱՋ

Տրնդեզի տոնը շատ հին ժամանակներից է գալիս: Սկզբում կապված էր կրակի պաշտամունքի հետ: Հետագայում անցել է քրիստոնեությանը և ստացել է նոր բովանդակություն: Այն համարել են քառասունօրյա Հիսուսին տաճար տանելու և Աստծուն ընծայելու տոն: Տեարն ընդառաջ նշանակում է դիմավորել, ընդառաջ գնալ Քրիստոսին: Տոնը, որ հնագույն շրջանում բնության պաշտամունքին էր նվիրված, նշվում է պատարագով, ուրախ տոնախմբությամբ: Այդ օրվա երեկոյան (փետրվարի 14) ամենուրեք խարույկ էին վառում, սկզբում եկեղեցու, ապա տների բակերում: Հավատացյալները ժամի մոմերից վառում էին իրենց ձեռքի մոմերը և առանց հանգցնելու հասցնում տները, այնտեղ ճրագ կամ կրակ վառելու համար: Մովորություն կար. Երիտասարդները երգում, պարում էին կրակի շուրջը իրենց ուժեղ, զորավոր դառնալու նպատակով: Վառելով խարույկները՝ մարդիկ ցատկում էին կրակի վրայից և ասում. <<Քո կարմրությունն ինձ լինի, իմ դեղնությունը՝ քեզ>>: Նույն օրը տան անդամների թվի համաձայն տան բակի մեջ մոմեր էին վառվում մինչև

առավոտ: Խարույկից հետո, երբ մոխիրը սառչում էր, նորից սկսվում էր աշխուժությունը: Երեխաները մասները մոխրի մեջ մտցնելով կատակում քսում էին իրար երեսի, մոխիրը լցնում կարասների, ամանների վրա, ցրում գոմերում, հավանոցներում, դրանով ակնկալելով առատություն, բարիք, երջանկություն:

## 2.5 ԲԱՐԵԿԵՆՂԱՆ

Բուն բարեկենդանը (բարի կյանք է նշանակում) ժողովրդի դարերից եկող սովորության համաձայն մեծ պասին (40 օր) նախորդող օրն է, երբ ժողովուրդն առատ վայելում է զանազան համեղ ուտելիքներ, պատրաստում ճոխ սեղաններ, կազմակերպում ժողովրդական բազմազան խաղեր, կատակ, թատերականացված հանդեսներ: Մեր նախապապերը կարծել են, թե այդ ձևով կվարակեն արթնացող բնությունը և նա առաջիկայում առատություն կբերի մարդկությանը: Սրան է նվիրված <<Բարեկենդան>> բանաստեղծությունը:

## 2.6 ԾԱՂԿԱԶԱՐԴ(ԾԱՌԶԱՐԴԱՐ)

Գարինան գեղեցիկ տոներից մեկը կոչվում է Ծաղկազարդ կամ Ծառզարդար: Եկեղեցին այդ օրը նշում է ի պատիվ Քրիստոսի Երուսաղեմ մտնելուն, ուր նրան դիմավորում են, ողջունում արմավենու, ձիթենու ճյուղերով: Սա հնագույն ժամանակներից եկած տոն է, ուր փառաբանում է բնության զարթոնքը, գարնան գալը: Այս տոնին հայերն իրենց տներն ու բնակարանները զարդարել են ուռենու ճյուղերով, պատրաստել անուշեղեններ և համեղ կերակրատեսակներ: Հնում ծաղկազարդի օրը եկեղեցում ծառ էին զարդարում մրգերով, մոմերով, հետագայում՝ արմավենու, ձիթենու տերևով: Որոշ տեղերում այրում ու մոխիրը քամուն էին տալիս, որպեսզի փորձանքից, բնական աղետներից, մրրիկից, փոթորկից հեռու մնան: Այժմ եկեղեցում ծառ չեն զարդարում: Ծառ զարդարում են Ամանորին: Հայերը հին և մեծ ծառերը սուրբ են համարել և պաշտել ինչպես աղբյուրներին: Դրանց առաջ մոմ են վառել, խունկ ծխել, աքաղաղ ու ոչխար մատաղ արել, համբուրել, ճեղքված բներով անցել՝ չար ոգիների ազդեցությունը վերացնելու համար: Հավատացել են, թե այդ ծառերի վրա երկնային լույս է իջնում և դրանց վրա սրբեր են ապրում, որ ծառերը բուժիչ հատկություններ ունեն: Սուրբ ծառի մոտով անցնելիս ձեռնափայտը թողել են այնտեղ՝ հիվանդություններից ազատվելու համար: Խեժը քսել

են հիվանդ մաշկին: Փտած ծառերի փայտն օգտագործել են որպես դեղ: Նրանց համոզմամբ ծառերը և աղբյուրները բուժում են նաև անասուններին: Հիվանդ անասուններին երեք անգամ պտտել են սուրբ ծառի շուրջը, կոտրել զանազան և թողել ծառի մոտ: Սուրբ ծառը վնասելը համարվել է մեղք, սրբապղծություն: Ծաղկազարդի օրը կատարել են բնություն զարթոնքը գովեցող երգեր: Երեխանների և պատանիների խմբերը տնից տուն էին շրջում և երգում (ճյուղ հավաքում): Նրանք ուռենու օրհնված ճյուղերը եկեղեցուց տուն կամ տնից տուն են տանում, նվերներ ստանում:

## 2.7 ՉԱՏԻԿ

Չատիկը Քրիստոսի հարության տոնն է: Այն կապված է Քրիստոսի տառապանքների, մահվան ու հարության պատմության հետ: Այն տոնում են մեծ հանդիսավորությամբ՝ եկեղեցում պատարագով, տոնախմբություններով: Սովորաբար այդ տոնին զատկական կերակուրներ են պատրաստում: Չամիչով, ընկույզով, նշով համեմված փլավ, ձուկ, տապակած բանջարեղենի հետ ձվեր են ներկում կարմիր գույնով՝ ի նշան Քրիստոսի արյան: Չվերով իրար շնորհավորում են, նվեր են տալիս, ապա ուտում, կամ էլ հավաքվում հավկիթով խաղալու: Չարկելով փորձում են նրանց ամբությունը կամ էլ թեքություն ունեցող տեղ գլորում, ում ձուն կոտրվում էր՝ նա զիջում էր խաղընկերոջը: Հայերը ձուն ներկում էին որդան կարմիր ներկով՝ որպես ուրախության, հաջողության նշան: Դրա համար է, որ նախ կարմիր ձու էին ուտում, հետո ուրիշ կերակուրներ: Չատիկին մարդիկ իրար տուն էին գնում, շնորհավորում «Քրիստոս հարյավ ի մեռելոց», որի պատասխանն էր «Օրհնյալ է հարությունը Քրիստոսի»: Եկեղեցու բակերում մինչ ուշ երեկո ուրախ խաղեր են խաղացել, երգել ու պարել:

## 2.8 ՀԱՄԲԱՐՁՈՒՄ

Չատիկից 40 օր հետո, հինգշաբթի, Հիսուս Քրիստոսի համբարձման տոնն է, Քրիստոսի երկինք համբառնելու և իր հոր՝ Աստծու աջ կողմը նստելու հիշատակի օրը: Համբարձումը ժողովրդի մեջ կոչվում է նաև վիճակի « Չան գյուլում»-ի օր: Համբարձման օրը նաև ջրի ու ծաղկի տոն է: Չուր չէ, որ այն համարվել է երկրորդ ծաղկազարդ: Այդ օրը կանայք ոչ մի գործ չեն անում, որպեսզի երեխաները ծաղիկ



կամ կարմրուկ հիվանդություններով չհիվանդանան: Չորեքշաբթի, լույս հինգշաբթի գիշերը համարվել է հրաշալիքների գիշեր: Ավանդույթը պատմում է, որ գիշերվա ընթացքում մեկ բուսական կանգ են առնում, լռում: Երկինքն ու երկիրը համբուրվում են, լեռները, քարերը, ծառերն ու ծաղիկները շարժվում են իրար ողջունելու համար: Բոլոր բույսերն ու անշունչ առարկաները լեզու են առնում, միայնց հետ խոսում, պատմում, թե ով ինչ հիվանդություն է բուժում: Չորեքշաբթի, արևամուտից հետո ընտրվում է յոթ աղջիկ: Բախտանշաններով փարչը, կճուճը կամ <<վիճակը>> աղջիկներն անխոս վերցնում էին, և սկսում աղբյուրից կամ ջրհորից ջուր վերցնելու արարողությունը: Յուրաքանչյուրից վերցնում էին մի ավի ջուր: Ջրի մեջ գցում յոթ տեսակ ծառից, յոթ տեսակ ծաղիկներից մեկական տերև և թերթիկ, ինչպես նաև յոթ քար և մի բուռ ավազ: Ջուրը վերցնելու ծեսը ջուր գողանալ էր համարվում, որը կողմնակի աչք չպետք է տեսներ: Համբարձման տոնին աղջիկները գույզգույն զգեստ հագած (հատկապես կարմիր և կապույտ) ծաղկազարդ տեղերում կազմակերպում էին զբոսանք և վիճակախաղ: Երիտասարդները մոտակա սարալանջերում կամ դաշտերում, խմբերի մեջ թավալվում էին, կոխ էին բռնում, երեխաները ճան, քարկտիկ և այլ խաղեր խաղում, իսկ աղիջկները շարունակում էին նախորդ օրը սկսած վիճակի, գուշակության արարողությունը: Բախտագուշակների փարչի, կամ կճուճի մեջ կանայք և աղջիկները յուրաքանչյուրը գցում էին, ասենք, մատնոց, կոճակ <<>> և այլն: Այնուհետև կճուճի երեսը ծածկում էին շորով, մոտը նստեցնում մի աղջնակ, գլխին գցում ծածկոց, որպեսզի ոչ աղջնակին, ոչ էլ կճուճը ոչ ոք չտեսնի: Մի խաղիկի խմբակային երգերից հետո աղջնակը, կճուճից հանում էր գցած իրերը որևէ մեկը ու հանձնում խաղը վարողին: Վիճակն ընկնում էր այդ առարկայի տիրոջը: Ամեն անգամ մի քառատող երգելուց հետո հանվում էր մի նոր առարկա, որը մեծ հետաքրքրություն և աշխուժություն էր առաջացնում: Մեծերը բարեմաղթում և օրհնում էին վիճակի տիրոջը: Երգող հարսներն ու աղջիկները բաժանվում էին երկու խմբի: Առաջին խումբն ասում էր երգի, խաղիկի խոսքերը, իսկ մյուսը՝ կրկնում <<Ջան գյուլում, ջան՝ ջան՝>> երգելով:

Համբարձման տոնին օդազործվող <<Ջան գյուլում>> խաղիկների օրհնակներից են <<Վիճակի երգը>>, <<Ջան գյուլումները>>, <<Խնկի ծառը>>:

## 2.9 ՎԱՐՂԱՎԱՌ

Վարդավառ կամ վարդեվոր տոնի անունը կազմվել է վարդ բառից: Այն կապվել է ջրի, Անահիտ և Աստղիկ աստվածուհիների պաշտամունքի հետ: Նրա հետ կապված բոլոր ծեսերն ուարարողությունները առնչվել են ջրի հետ և հնուց տոնվել մեծ խանդավառությամբ: Քրիստոնեությունն ընդունել է այն անփոփոխ, միայն հարմարացրել է պատմությանը և վերանվանել Քրիստոսի պայծառակերպության տոն:

Վարդավառը համարվում էր նաև բերք ու բարիքի տոն: Վարդավառին կազմակերպվում էր ջրարշավներ, ըմբշամարտեր, գոմեշներ էին կռվեցնում, տները զարդարում ծառի դալար ճյուղերով, ծաղիկներ էին նվիրում միմյանց, աղավնիներ թռցնում, անասունների ճակատները զարդարում ծաղիկներով և ջուր էին լցնում իրար վրա ասելով <<Վարդավառ վարձքդ կատար>>: Այդ օրը իրար խնձոր էին նվիրում, մատաղ էին անում ի պատիվ ջրի հովանավոր որդիների, անձրև խնդրում երաշտը կանխելու համար: <<Վարդավառը>> կապել են ոչ միայն հայ Անահիտի, այլ նաև ջրհեղեղի հետ: Այսպես Ղ. Ալիշանը պատմում է, թե երբ Նոյ նահապետը ջրհեղեղից փրկվելով հասնում է Մասիսի գագաթը և ապա այնտեղից իջնում է Նախիջևան, այդ օրվանից սկսվում է հայոց Նավասարդ կոչվող ամիսը, և որպեսզի ջրհեղեղի հիշատակն անմոռաց մնա մարդկանց մեջ, Նոյը պատվիրում է իր որդիներին իրար վրա ջուր լցնել:

Վարդավառին նվիրված երգեր կան, որոնք կատարում են նաև երեխաները: Դրանցից է <<Վարդավառ>>(Ն. Միքայելյան):

## ՊԱՐԱՊՄՈՒՆՔԻ ՊԼԱՆԱՎՈՐՈՒՄ

Ուսումնական գործընթացը մանկապարտեզում պարապմունքը անց եմ կացրել դահլիճում, աշխատել եմ ավագ խմբում, ԿԶՆԱԿ մոդելով եմ կիրառել, աշխատել եմ ուսուցման ժամանակակից մեթոդներ՝ ԽԻԿ համակարգով:

**Խումբ՝** Ավագ

**Թեմա՝** <<Սուրբ Զատիկ>>

**Տեսակ՝** Բաց – պարապմունք(ցերեկույթ)

**Նպատակը՝** Ծանոթացնել երեխաներին ազգային ծեսերի և տոների հետ: Ուսուցանել ոտանավորներ ծեսերի մասին: Դաստիարակել ազգային ոգի և կամք:

**Վերջնաբոլորներ՝** Կիմանա ազգային որոշ ծեսերի և տոների մասին, կարտասանի որոշ ստեղծագործություններ, կուղղի համապատասխան հարցեր՝ տեղեկություններ ստանալու նպատակով:

**Կապը չափորոշի հետ՝** ԽՀ(ե,զ), Ի(ա,բ), ՀՄԱ(ա,բ,դ,ե), ԻԱԱ(ա,զ):

**Ընթացք՝** Տոնին նախապատրաստվելու համար նախորոք երեխաների հետ միասին սկսուտեղի մեջ ցանել ենք ցորեն, պարապմունքից մեկ օր առաջ երեխաների հետ միասին սոխի կճեպներով և այլ նյութերով ներկում են խաշած ձվերը և նկարագարում:

Երեխաները նստած են սեղանների շուրջը: Դրված են սեղաններին՝ գաթա, հալվա, ածիկ, փոխինձ, գունավոր ձվեր, չամչով փլավ, այդ ամենը՝ կավե ամանների մեջ: Դահլիճի մի անկյունում դրված է մի մեծ, սպիտակ ձու, որի միջից հետագայում դուրս է գալու ճուտիկ-երեխա: Մյուս անկյունում՝ իղձերի իրականացման ծառն է, որի ճյուղերից կախված են ձվիկներ և գունավոր թաշկինակներ:

**Խթանում՝** Լսվում է մեղմ եկեղեցական երաժշտություն և արտասանել հետևյալ խոսքերը.

**Դաստիարակ**

Բոլոր աշխարհ կրերի,  
Զատիկի զանգակք կհնչեն,

Շուշաններն էլ ցնծումով լի  
Գարունը կողջունեն:  
Եվ կինչի զանգակը խոշոր,  
Կարձագանքեն լեռ, սար ու ձոր  
Մարդիկ՝ խայտուն, սիրով ջերմիկ  
Ի՞նչ գեղեցիկ է այս Զատիկ:

Զատիկը եղել է նախաքրիստոնեական շրջանի տոներից մեկը, որը խորհրդանշել է աշխարհի նորացումն ու բարության զարթոնքը: Ենթադրվում է, որ «Զատիկ» բառը կապված է տիեզերական արարչագործության և նշանակվում է «զատվել >>, «բաժանվել» քրիստոնեության շրջանում այն նոր բովանդակություն է ստացել: Քրիստոսի մահը և հարությունը գուգորդվել են սերմը հողի մեջ թողելու՝ «մահ» և նրա ծլարձակման՝ «հարության» հետ: Իսկ դուք գիտե՞ք, որ արդեն երկու հազարամյակ քրիստոնյա աշխարհի մարդիկ Սուրբ Զատիկի օրը իրար ավետում են. «Քրիստոս հարյավ ի մեռելոց» և պատասխանը «Օրհնյալ է Հարությունը Քրիստոսի»:

### **Իմաստի քննարկում**

Երեխաները արտասանում են՝

Նորն է ծնունդ առնում էսպես  
Ու շարունակ պտույտ գալիս,  
Դա հրաշք է, ուրիշ էլ ի՞նչ:  
Եվ անունն է այդ հրաշքի՝  
Հարություն կամ կարմիր Զատիկ:

Մեծ Զատիկն է, սուրբ Զատիկը,  
Եկենք նշենք այս սուրբ տոնը,  
Երբ Հիսուսը նորից ծնվեց  
Եվ իր օրհնանքը մեզ տվեց

**Երեխաները երգում են՝** «Տարվա մեջ ուրախալի» երգը:

Երեխաներին առաջարկում եմ հանելուկներ.

Ու լուրիկ –պուլուրիկ  
Ոչ դուռ ունի , ոչ՝ երդիկ:

Միասին պատասխանում են՝ ձուն է ձուն:

—Այո՛ ձուն է՝ Զատիկի խորհրդանիշը:

Այն ի՞նչն է, ինչը ,  
Շնչավորից անշունչն էլավ,  
Անշունչից էլ շնչավոր:

(Ձուն է , ձուն)

**Ղաստիարակ՝** Երեխանե՛ր, այս ի՞նչ ձայն է լսվում: Պատրաստված մեծ ձվից լսվում է կտկտոց, ապա այն ջարդվում է, և դուրս է գալիս մի երեխա – ճուտիկի հագուստով, թռչկոտելով պտտվում է ձվի շուրջը և արտասանում՝

Խատուտիկ հավիկները  
Ածել են այս ձվերը,  
Երբ մայրիկը ձուն բերեց,  
Տատիկը նախշուն ներկեց:

**Երգել** - <<Չամչով փլավ>> երգը:

Երգելու ընթացքում խոհարարի ձեռքին՝ սկուտեղի վրա, դրված է չամչով փլավ, որի մեջ ձու է թաքցված:


**Խոհարարը՝** Տեսնենք՝ ձուն ու՞մ ափսեի մեջ կհայտնվի, ու՞մ է ժպտալու բախտը:

**Կշռադատում** - խաղալ - <<Գտիր ձուն>>

Խաղից անմիջապես հետո երեխաներին բաժանվում է չամչով փլավ և սկսվում է ձվով կռվախաղը:

**Ղաստիարակ՝** Մեր պապերն ու մեր տատերը պաս են պահել, ձու են ներկել, օրհնել են մեծ Ձատիկը սրբազան, պահպանել են ավանդույթը հայկական:

Եկե՛ք մենք էլ պահպանենք մեր հայկական գեղեցիկ ավանդույթները: Ձեր Ձատիկն էլ շնորհավոր լինի և միմյանց շնորհավորեցինք՝ <<Քրիստոս հարյավ ի մեռելոց , Օրհնյալ է հարությունը Քրիստոսի>>



## ԴԻՏԱՐԿՈՒՄ

### ՏՆՕՐԵՆ՝ ՄԱՐԵՏԱ ՄԱՐՏԻՐՈՍՅԱՆ

Պարապմունքն ամբողջովին համապատասխանում է նախադպրոցական տարիքին խմբի ծրագրին և պլանավորմանը: Առկա են անհրաժեշտ պարագաները, դիդակտիկ նյութերը...

Դաստիարակի խոսքն արտահայտիչ էր, մատչելի, բացատրական տերմինները՝ համապատասխանեցված: Պարապմունքը անց է կացվել **ԽԻԿ** համակարգով: Փուլերն ու տևողությունները պահպանված են, պարապմունքի ընթացքում օգտագործվել են երեխայի ինքնուրույն մտածողության, ակտիվության, ուշադրության, կենտրոնացման և հարցադրումների մեթոդներն ու հնարքները:

Դաստիարակը հասավ իր նպատակին՝ կիրառելով պարապմունքի պլանավորման բոլոր կետերը: Դաստիարակն իր հմտությամբ և կարողունակությամբ անցկացրեց պարապմունքը, որտեղ բոլոր երեխաներն ընդգրկված էին պարապմունքին և հասան իրենց վերջնարդյունքին:

### ՄԵԹՈԴԻՍՏ՝ ՊԱՅԾԱՌ ՄԱՔՈՒՆՑ

Բաց – պարապմունքի տեսակը ինտեգրված է խոսքի զարգացում, նկարչություն, երաժշտություն: Պարապմունքի պլանավորումը համապատասխանում է ավագ խմբի ծրագրին: Ձևակերպված է պարապմունքի թեման, որն է՝ տոներ և տոնակատարություններ. <<Սուրբ Զատիկ>>: Անհրաժեշտ պարագաները, դիդակտիկ նյութերը նույնպես համապատասխանեցված են պարապմունքին: Դաստիարակի խոսքը գրագետ է, պարզ, ունի խոսքի չափավոր տեմպ: Պարապմունքը տարվել է ԽԻԿ համակարգով, պահպանվել է տևողությունը(25 րոպե): Կիրառվել են ձևավորող գնահատման ձևեր, փոխգործուն մեթոդներ՝ խաղ, զրույց, ոտանավորի ուսուցում: Դաստիարակը պարապմունքի ընթացքում ապահովում է հետադարձ կապ յուրաքանչյուր սանի հետ ու ստեղծում մոտիվացիա՝ խթանելով հետաքրքրությունը: Պարապմունքի ընթացքում ներգրավված էին բոլոր սաները:

Դաստիարակը հասավ իր առջև դրված նպատակին: Նպատակը հետևյալն է՝

1. Ծանոթացնել երեխաներին ազգային ծեսի հետ
2. Ուսուցանել ոտանավորներ
3. Դաստիարակել ազգային ոգի և կամք

Երեխաները կարողացան ճիշտ ներկայացնել ազգային տոներ՝ «Սուրբ Զատիկը», պարապմունքի ողջ ընթացքում արտահայտված էր երեխաների ոգևորությունը, բարձր էր ազգային ոգին, նկատվում էր զգայական գործընթացի առաջատարությունը: Երեխաները ստացան գիտելիքներ տոների, մշակութային արժեքների մասին ու կարողացան կապակցված նախադասություններով ներկայացնել:

Կարևորում եմ հետազոտվող թեման, հատկապես երբ ինտեգրված պարապմունքի տեսքով է ներկայացված, քանի որ գործունեության այս ձևը նպաստում է զարգացնել ինքնուրույն մտածողություն, համագործակցություն: Ինտեգրված պարապմունքները միտված են նաև լուծելու մի շարք խնդիրներ: Ուսուցման այս ձևը մի շարք կապեր է հաստատում առարկաների և երևույթների միջև, ու համարվում է արդյունավետ պարապմունքի ձև:



## ԵԶՐԱԿԱՑՈՒԹՅՈՒՆ

Այսպիսով հետազոտական արդյունքում տեսական գրականության արդյունքում եկանք մի շարք եզրահանգումների, ուսումնասիրության և վերլուծության, ծեսերի և ազգային տոների ուսումնասիրման, մշակույթի փոխանցման ձևերի մեջ կարևոր դեր ունեն ծեսերը:

Ազգային տոների և ծեսերի կազմակերպումը ունի մի շարք առանձնահատկություններ, որոնք պահանջում են երաժշտական, պատմական, տեխնոլոգիական, լեզվական լրացուցիչ կրթության լուծումներ:

Նախադպրոցական տարիքի երեխաների զարգացման և կրթական չափորոշիչների հիմքում ընկած է այն կարծիքը, որ բազմակողմանի է երեխաների զարգացումը, քանի որ ազգային ոգով զուգընթաց զարգանում է երեխայի խոսքը և լեզուն:

Որ ազգային տոների և ծեսերի կազմակերպման առանձնահատկությունը՝ դա ազգային մշակույթի լրացումն է, գեղագիտական ընկալումն է:

Առանձնահատկությունը այն միասնական գործողություններն են, որոնք համախմբում են մարդկանց, նրանց միասնական գործողությունները, գաղափարները և մտքերը:

## ԳՐԱԿԱՆՈՒԹՅԱՆ ՑԱՆԿ

1. Ասյա Հովհաննիսյան, Լուսինե Ղույունյան, <<Բարև փոքրիկ>> 2007թ., էջ 10-24
2. Լալա Սմբատյան, <<Տոնական դոդանջներ>>, 2011թ., էջ 36-46
3. Հայ ժողովրդական տոներ, Հ. Խառատյան
4. Նախաշավիղ, 2013թ., էջ 24-28
5. <https://www.armgeo.am/ancient-armenian-holidays/>